Յավելված Արդարադատության ակադեմիայի ռեկտորի 2019 թվականի փետրվարի 28-ի թիվ 015/2019-L իրամանի

Ռեկտոր *ՎԼԱ* Մ. Առաքելյան

ԿԱՐԳ ԱՐԴԱՐԱԴԱՏՈԻԹՅԱՆ ԱԿԱԴԵՄԻԱՅԻ ԳՐԱԴԱՐԱՆԻ ԳՈՐԾՈԻՆԵՈԻԹՅԱՆ ԿԱՉՄԱԿԵՐՊՄԱՆ

I. ԸՆԴՅԱՆՈԻՐ ԴՐՈԻՅԹՆԵՐ

- 1. Սույն կարգով (այսուհետ՝ Կարգ) կարգավորվում են «Արդարադատության ակադեմիա» պետական ոչ առևտրային կազմակերպության (այսուհետ՝ Ակադեմիա) գրադարանի գործունեության կազմակերպման և գրադարանի ծառայություններից օգտվելու հարաբերությունները։
- 2. Գրադարանը Ակադեմիայի կառուցվածքային ստորաբաժանում է, որն ապահովում է Կարգի 3-րդ կետում թվարկված անձանց՝ գրադարանային-տեղեկատվական ռեսուրսներից օգտվելու իրավունքը։
- 3. Ակադեմիայի գրադարանի ծառայություններից օգտվելու իրավունք ունեն Ակադեմիայի անձնակազմը, դասընթացավարները, ունկնդիրները, ինչպես նաև ցանկացած անձ՝ Ակադեմիայի ռեկտորի թույլտվությամբ (այսուհետ նաև՝ Ընթերցող)։
- 4. Գրադարանի ընդհանուր ղեկավարումն իրականացնում է Ակադեմիայի ռեկտորը, անմիջական ղեկավարումը՝ պրոռեկտորը։
- 5. Գրադարանի հավաքածուն ձևավորվում է նվիրատվություններից և օրենսդրությամբ չարգելված այլ աղբյուրներից։

II. ԳՐԱԴԱՐԱՆԻ ԽՆԴԻՐՆԵՐԸ

- 6. Գրադարանի խնդիրներն են.
- 1) ձևավորել Ակադեմիայի գրադարանային-տեղեկատվական ռեսուրսների ֆոնդը.
- 2) ապահովել գրադարանային-տեղեկատվական ռեսուրսների մատչելիությունը.
 - 3) ապահովել Ընթերցողի գրադարանային-տեղեկատվական սպասարկումը.
- 4) Ընթերցողի մոտ ձևավորել անհրաժեշտ տեղեկատվության որոնման և ընտրության հմտություններ.
- 5) կատարելագործել մատուցվող ծառայությունները՝ գրադարանայինտեղեկատվական ռեսուրսների համալրման, գրադարանային հարմարավետ միջավայրի ստեղծման միջոցով։

III. ԳՐԱԴԱՐԱՆԻ ԳՈՐԾԱՌՈԻՅԹՆԵՐԸ

- 7. Գրադարանի գործառույթներն են.
- 1) թղթային և Էլեկտրոնային կրիչներով համալրել գրադարանայինտեղեկատվական ռեսուրսների ֆոնդը գիտական, ուսումնական և այլ բնույթի նյութերով.
- 2) ապահովել նյութերի տեղաբաշխումը, տեղեկատու-մատենագրական հաշվառումը, պահպանումը.
 - 3) իրականացնել Ընթերցողի տեղեկատվական ապահովումը.
- 4) տրամադրել տեղեկատվական ռեսուրսներ Ընթերցողի հետաքրքրություններին և տեղեկատվական պահանջմունքներին համապատասխան, նպաստել ինքնուսուցման հմտությունների զարգացմանը, գրադարանային օգտատիրոջ հմտությունների ձևավորմանը.
 - 5) իրականացնել սույն կարգից բխող այլ գործառույթներ։

IV. ԳՐԱԴԱՐԱՆԱՎԱՐԻ ԿԱՐԳԱՎԻՃԱԿԸ

- 8. Գրադարանային գործը կազմակերպում է գրադարանավարը, որին պաշտոնի նշանակում և պաշտոնից ազատում է Ակադեմիայի ռեկտորը։
- 9. Գրադարանավարը պատասխանատու է գրադարանի գործունեության կազմակերպման և իրականացման համար։
 - 10. Գրադարանավարն իրավունք ունի.
- 1) Ընթերցողին տրամադրել գրականություն միայն նրա կողմից այն նյութերը հանձնելուց հետո, որոնց օգտագործման ժամկետը լրացել է.
- 2) երկարացնել համապատասխան նյութերի օգտագործման սահմանված ժամկետը.
- 3) մեծ պահանջարկ ունեցող նյութերի համար կրճատել օգտագործման սահմանված ժամկետը.
- 4) գրադարանի տարածքից հեռացնել ընթերցասրահում Կարգով արգելված վարքագիծ դրսևորած Ընթերցողին։
 - 11. Գրադարանավարը պարտավոր է.
- 1) հավաքել, տեղաբաշխել, պահպանել գրադարանի հավաքածուն և կազմել գրացուցակը.
- 2) օգտագործման տրամադրել գրադարանային հավաքածուում ընդգրկված գրքերը, այլ հրատարակությունները և նյութերը.
- 3) տրամադրել գրադարանի հավաքածուի վերաբերյալ անհրաժեշտ տեղեկատվություն.
- 4) ապահովել գրադարանի հավաքածուի և տեղեկատվական համակարգերի մատչելիությունը.
 - 5) Ընթերցողի համար ապահովել որակյալ ծառայություննլերի մատուցումը.
 - 6) ապահովել գրադարանային հարմարավետ միջավայր։

V. ԸՆԹԵՐՑՈՂԻ ԻՐԱՎՈԻՆՔՆԵՐՆ ՈՐ ՊԱՐՏԱԿԱՆՈԻԹՅՈԻՆՆԵՐԸ

- 12. Ընթերցողն իրավունք ունի.
- 1) ստանալ տեղեկատվություն գրադարանային հավաքածուի մեջ ընդգրկված գրքերի, այլ հրատարակությունների և Էլեկտրոնային նյութերի վերաբերյալ.

- 2) օգտվել գրադարանի հավաքածուից՝ Կարգով սահմանված պահանջներին համապատասխան.
- 3) ստանալ խորհրդատվական օգնություն տեղեկատվության աղբյուրների որոնման և ընտրության հարցում.
- 4) գրադարանից ստացած նյութերից օգտվելու ժամկետները երկարացնելու խնդրանքով դիմել գրադարանավարին։
 - 13. Ընթերցողը պարտավոր է.
 - 1) պահպանել գրադարանի ծառայություններից օգտվելու կանոնները.
 - 2) ընթեցասրահում պահպանել լռություն.
- 3) խնայողաբար վարվել գրադարանի հավաքածուում ընդգրկված նյութերի (չպոկել, չծալել հրատարակությունների Էջերը, դրանց մեջ չանել նշումներ), գրադարանի գույքի և սարքավորումների հետ.
 - 4) սահմանված ժամկետում վերադարձնել վերցված նյութը.
- 5) գրադարանավարից նյութերը ստանալիս մանրամասն ուսումնասիրել դրանք, թերություններ հայտնաբերելու դեպքում այդ մասին տեղեկացնել գրադարանավարին։

VI. ԳՐԱԴԱՐԱՆԻ ԾԱՌԱՅՈԻԹՅՈԻՆՆԵՐԻՑ ՕԳՏՎԵԼՈԻ ԿԱՆՈՆՆԵՐԸ

- 14. Գրադարանն Ընթերցողին տրամադրում է անհրաժեշտ նյութեր՝ անհատույց հիմունքներով։
- 15. Գրադարանի հավաքածուում ընդգրկված գրքերի, այլ հրատարակությունների և նյութերի ցանկն ամրագրվում է գրացուցակում, որին հնարավոր է ծանոթանալ գրադարանավարի մոտ և Ակադեմիայի կայքում։
- 16. Գրքերի և այլ տպագիր նյութերի օգտագործման ժամկետը սահմանում է գրադարանավարը` ելնելով գրքի պահանջարկից, չգերազանցելով մեկշաբաթյա ժամկետը։
- 17. Յազվագյուտ, հնատիպ, մեկ օրինակ հրատարակություններից, հանրագիտարաններից, բառարաններից, սեղմագրերից և ատենախոսություններից, ինչպես նաև Էլեկտրոնային կրիչներից թույլատրվում է օգտվել միայն ընթերցասրահում։
- 18. Գրադարանի ծառայություններից օգտվելու համար Ընթերցողը գրադարանավարին ներկայացնում է անձը հաստատող փաստաթուղթ, որի տվյալները վերցվող նյութի և տրամադրման ժամկետի հետ գրանցվում են գրադարանավարի կողմից վարվող գրանցամատյանում։
- 19. Գրադարանում արգելվում է վարել բարձրաձայն զրույց, ստեղծել աղմուկ, վնասել կամ ոչնչացնել գրադարանի հավաքածուն և գույքը, բերել և ընդունել սնունդ, ըմպելիք, ծխել, դրսևորել այլ Ընթերցողին և գրադարանավարին խանգարող վարքագիծ։
- 20. Գրադարանը գործում է աշխատանքային օրերին՝ ժամը 9.00-ից մինչև 18.00-ն։

VII. ԳՐԱԴԱՐԱՆԻ ԾԱՌԱՅՈԻԹՅՈԻՆՆԵՐԻՑ ՕԳՏՎԵԼՈԻ ԻՐԱՎՈԻՆՔԻ ԴԱԴԱՐՈԻՄԸ

- 21. Մասնագիտական պատրաստման, վերապատրաստման ավարտին կամ դատավորների թեկնածուների հավակնորդների, դատավորների թեկնածուների ցուցակներից, քննիչների կամ դատախազների թեկնածությունների ցուցակից հանվելու դեպքում ունկնդրի՝ գրադարանից օգտվելու իրավունքը դադարում է։
- 22. Կարգի 21-րդ կետում նախատեսված դեպքերում ունկնդիրը պարտավոր է հետ վերադարձնել իր մոտ գտնվող նյութերը։

23. Աշխատանքից ազատվելու դեպքում Ակադեմիայի աշխատողի շրջիկ թերթիկը ստորագրվում է միայն իր մոտ եղած գրականությունը հանձնելուց հետո։

VIII. ՊԱՏԱՍԽԱՆԱՏՎՈԻԹՅՈԻՆԸ ԳՐԱԴԱՐԱՆԻ ԾԱՌԱՅՈԻԹՅՈԻՆՆԵՐԻՑ ՕԳՏՎԵԼՈԻ ԿԱՆՈՆՆԵՐԸ ԽԱԽՏԵԼՈԻ ՅԱՄԱՐ

- 24. Ընթերցասրահում Կարգով արգելված վարքագիծ դրսևորելու համար Ընթերցողը գրադարանավարի կողմից կարող է հեռացվել գրադարանի տարածքից։
- 25. Գրադարանի հավաքածուում ընդգրկված նյութերի կորուստը, նյութերին և գրադարանի գույքին պատճառված վնասը ենթակա է հատուցման ՅՅ օրենսդրությամբ սահմանված կարգով և ժամկետներում։